

東安縣志卷之二

東安知縣黃岡汪兆柯則亭纂

壇廟志

聞之築土為壇覆宇曰廟凡以祀有功德於民者也天子行乎畿甸諸侯行之國中而郡縣亦得舉焉向使壇廟不立其何以妥神靈而大祈報哉若夫勳垂竹帛績著循良棠陰俎豆固輿情所永矢勿諠也志壇廟而以遺愛附焉

壇壝

社稷壇在城西二里許壇制石壇一座土壇左右二座神廚庫房宰牲房齋宿房各三間四面皆曠地日月久傾圯雍正十年知縣陳洪範重築壇高二尺繚以圍牆中為大門
風雲雷雨山三壇在城東二里許壇制與社稷同日久傾圯雍正十年知縣陳洪範重築壇高二尺繚以圍牆中為大門

先農壇在東北郊離城二里許壇制正房三間東西配房各一間壇臺一座公所三間繚以圍牆牌坊雍正五年知縣喬振先奉建因風雨摧壞七年知縣陳洪範重建藉田四畝九分在

東安縣志

卷二

壇廟

一

德慶新新印務書局承印

東郊牧羊塘

厲壇在城北二里許壇制石壇一座土壇二座神廚庫房宰牲房各三間門房一座宰牲池一口在壇左日久傾圯雍正十年知縣陳洪範重築壇高二尺

廟祠

長春寺在城東萬歷十一年知縣陳公大建中座供奉龍亭有司歲時朝賀宣講

聖諭於此前為大門左右為朝房雍正八年知縣陳洪範增建拜亭一座原置田三十畝土名

山仔圍等處 雍正十三年知縣王者棟置田二畝九分八釐一絲土名神仙坑等處

城隍廟在縣治西萬歷六年建祭告有文見藝文志歲無特祀春秋二仲附祭於風雲雷雨山川壇每厲祭則主之崇正四年知縣周維時重修康熙二十六年知縣袁承秦置香油田一

十三畝八分土名新埠查峒新城乾歌等處 四十八年知縣何洪先重修乾隆五十六年知縣董藻捐修嘉

慶二十二年知縣楊景泰捐修

文昌宮在縣治東詳見學校志嘉慶二十五年紳衿區標宇送入永祿下五下則稅田六畝土名建村橫岡等處每造租穀五石四斗為奉祀香油之用

關帝廟在縣治東萬歷十二年知縣陳公大建原置田一十三畝八分土名橫嶺脚等處 雍正三年

奉文增設後殿致祭三代乾隆三十二年紳衿羅冠英陳士宗等修葺嘉慶十二年紳衿葉荆廖馨雲等請於知縣尹佩紳率衆修葺

文昌閣在縣東文昌山頂離城三里許萬歷六年建詳見山川志

忠義孝弟祠在縣治東雍正二年知縣陸維鑑奉建今圯

節孝祠在縣治東雍正二年陸維鑑奉建日久傾圯道光三年知縣汪兆柯改建於石麟山麓
詳見山川志

遺愛祠

附

陳太保祠在縣治東祀都督陳璘

李公祠在城東玉皇殿左祀知縣李文芳有記

魏公祠在城東玉皇殿右祀知縣魏都有記

何公祠在城東天妃廟右祀知縣何洪先有記

彭公祠在城東玉皇殿右祀羅定知州彭象晉有記

張公祠在城東玉皇殿右祀知縣張沆有記

張公祠在寧坡堡新墟祀總兵張元勳 按勳福建漳州府人萬歷四年大征猺賊卒於軍

東安縣志

卷二

壇廟

二

德慶新新印務書局承印

士民以有功地方立廟祀之歷今百有餘年聲靈赫濯捍災禦患誠一方保障也舊設有宋桂橫水渡連灘墟渡歲收租銀以供祭祀

禮制志

安上治民莫善於禮隨分定制小大由之不以方隅限也東安久服正朔禮教所敷燦然具舉納忠愍朝賀行焉承天休詔令宣焉祭祀以理神明鄉飲以崇齒德公儀以肅僚而貞度是皆大禮之攸關者孔子曰能以禮讓爲國乎何有蓋禮至則不爭而仁讓之化成區區一邑云乎哉志禮制

朝賀

萬壽聖節各官衣朝衣齊赴長春寺行禮坐班前三日後三日俱蟒服
皇后千秋節元旦長至節禮同惟不先後期坐班

詔赦

詔赦至各官具
龍亭彩輿儀仗出郭迎接導入縣堂開讀如儀

祭祀

歲春秋仲月上丁日祀

東安縣志

卷二

禮制

三

德慶新新印務書局承印

孔子配四子及十哲從祀先賢暨漢唐宋元明諸先儒是日祀

崇聖祠五代以先賢顏無繇曾點孔鯉孟孫氏配以先儒周輔成程珦蔡元定張迪朱松從並祀名宦鄉賢及忠義節孝二祠如儀

歲春秋仲月上戊日祀

社稷神於西郊祀

風雲雷雨山川城隍之神於東郊各如儀

厲 每歲春以清明日秋以七月望冬以十月朔舉祀如儀

武廟每歲春秋仲月及五月十三日致祭如儀並祀後殿三代

先農 每歲於仲春亥日己時舉祭午時行耕藉禮如儀

公儀

立 一日知縣率僚屬迎春於東郊至日祀勾芒神鞭土牛如儀

望縣官行香講書如儀

律條每月朔望文武官員及紳衿里老鄉民在長春寺講讀如儀各鄉設立約正值月宣

讀如儀

護日月食縣官率僚屬行於縣堂如儀

祈晴禱雨各官齋宿具常服詣城隍廟拜禱如儀

新官上任先一日謁城隍廟齋宿次辰至衙門祭儀門易公服謝

恩禮畢易吉服陞堂諭僚屬如儀

開印封印奉 部定期縣官置印於堂中具香燭集僚屬行封印禮

賓興舉人會試歲貢出學生員大比俱有公宴

餞送官僚俱有宴仍祭水陸神於河滸

鄉飲酒禮

每歲於正月望十月朔長官爲主延賓至明倫堂行鄉飲酒禮有賓有介有僕皆擇邑中達尊當之以教官一人爲司正主揚觶以罰失禮者先期執事者陳鼓鐘設講案排坐次司正帥執事者演禮至期賓至禮生導主人出大門外唱速賓賓西主東三揖至大門揖至二門揖至階下揖升堂鳴鼓鐘主賓各就位主位東南賓位西北僕位東北介位西南佐屬學官皆西面衆賓序齒皆東面相對行四拜禮拜畢主賓以下各就位坐禮生引司正由西階升堂北向立主賓以下皆起執事者以觶酌酒授司正司正舉酒曰恭惟

朝廷循用舊章敦崇禮教舉行鄉飲凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生誦畢司正卒飲以觶授執事者揖主賓皆揖復位賓以下皆坐供講案牘大誥主賓俱起讀畢主賓俱坐講律令讀畢揖復位主賓皆坐撤講席主獻賓禮生至主位前請獻賓執事者酌酒授主詣賓位前賓旁立主置酒於席僕介皆以次酌揖復位賓酬主禮生至賓位前請酬主執事者酌酒授賓詣主位前僕介從之主旁立賓置酒於席揖復位主賓以下皆坐執事者供酒請飲酒酒三行廚夫獻割執事者供饌請饌執事者供湯請湯歌詩主賓皆起歌鹿鳴三章以鐘鼓爲節歌畢揖復位主賓以下皆坐執事按

東安縣志

卷二

鄉飲

五

德慶新新印務書局承印

行酌酒或五行或七行供酒供湯如初禮歌四牡皇華間歌魚麗嘉魚及南山有臺俱以鼓鐘爲節三飯畢主賓皆起唱洗爵主賓望

闕謝行三跪九叩首禮仍賓西主東行四拜禮畢賓辭主揖主導賓賓主揖讓而出至階揖至儀門揖至大門外三揖賓讓主人主拱立賓不顧主退

按潮州府志載乾隆十八年陝西布政使張若震條奏轉飭州縣每歲遵照定例於正月十月舉行鄉飲二次其實介之數在儀禮則有大賓介賓衆賓及遵禮記亦稱設僕以輔主儀禮之遵卽禮記之僕也在學正全書所載鄉飲酒禮圖則有大賓介賓與僕一賓二賓三賓衆賓與一僕二僕三僕考古稱今從無耆賓之名應遴選紳士之年高德邵者敦請爲大賓士人中舉一人爲介賓耆庶中舉數人爲衆賓至僕之爲義乃公卿大夫之居鄉者來助主人以樂賓儀禮注亦稱或有或無或來或不來是僕本無常數有則備無則缺也

賦役志

先王任土作貢則壤成賦公私交足法良善矣東安地多崇山峻嶺西流沿崖浸沒稅斂之供厥云艱哉今

國家輕徭薄賦休養近百年戶口漸繁土田日闢樂利遍遐荒矣粟米力役之征民豈有愛焉然而寓撫字於催科固良牧意也覽春陵石壕之篇能無惻然念歎志賦役

戶口

戶二千八百六十原額人丁田丁共三千九百四十九丁六分四厘六毫內

割附人丁德慶州一百三十六丁高要縣五百四十三丁新興縣四百二十六丁共一千一

百零五丁內有優免本身全免德慶州七丁高要縣四十一丁新興縣二十丁照例免派徭差民壯均平

鹽課實全編割附人丁共一千零三十七丁

恢復陞科田丁二千八百四十四丁六分四厘六毫內有本身全免一百四十五丁一分六厘

五毫照例免派實全編二千六百九十九丁四分八厘一毫

以上人丁田丁內除優免全免外尚三千七百三十六丁四分八厘一毫每丁例派徵差壯均

東安縣志

卷二

賦役

六

德慶新新印務書局承印

平鹽課銀三錢三分七厘九毫九絲三忽遇閏每丁加銀二分五厘零五絲二忽共徵銀一千二百六十二兩九錢零四厘四毫閏銀九十三兩六錢零六厘三毫

外狼丁一百零二丁照例優免不編差役

額外

一康熙六年屆新增割附人丁德慶州五丁新興縣三十六丁共四十一丁本縣恢復田丁四十四丁三分二厘二毫二共八十五丁三分二厘二毫徵銀二十八兩八錢三分八厘二毫三絲八忽七微四釐六沙閏銀二兩一錢三分七厘四毫八絲六忽七微四釐四沙

一新墾陞科米九百九十二石八斗一升三合六勺田丁六百五十五丁八分六釐七毫續墾陞科米三百四十六石六斗二升八合九勺

田丁二百三十丁零五分零六毫二共八百八十六丁三分七釐三毫照例共派銀二百九十九兩五錢八分七釐九毫 又未入全書陞科稅米一百零一石八斗二升八合一勺及康熙二十二年陞

科稅米一石零五升二合五勺田丁八十六丁零二釐四毫照例共派銀二十九兩零七分五釐五毫

以上人丁田丁共計一千零五十七丁七分一釐九毫照例派征銀三百五十七兩五錢零一釐六毫三絲八忽七微四釐六沙閏銀二兩一錢三分七釐四毫八絲六忽七微四釐四沙

合前原額通計共銀一千六百二十兩零四錢零六釐零三絲八忽七微四釐六沙閏銀九十五兩七錢四分三釐七毫八絲六忽七微四釐四沙

東安縣志

卷二

賦役

七

德慶新新印務書局承印

田賦

官民僧道狼夏稅農桑田地山塘湖塞魚步灣河渡原額並續陞科共稅二千三百七十六頃八十六畝六分九厘六毫三絲四忽

四州縣割附 一則官職田塘一則學田共四頃三十四畝零二釐八毫每畝科官正耗米三斗七升四合五勺共米一百六十二石五斗四升三合四勺九抄

二則官學田 一則學地共三十九畝五分九釐七毫每畝科米三斗二升三合三勺四抄三撮三圭共米一十二石八斗零三合四勺

二則官塘五十九畝四分每畝科米二斗七升四合零二抄七撮共米一十六石二斗七升七合二勺

三則官學田二則學地三則租錢塘共二頃五十二畝八分一釐三毫每畝科米二斗五升六合八勺共米六十四石九斗二升二合四勺

四則租錢田三十六畝五分三釐九毫每畝科米二斗一升八合二勺八抄共米七石九斗七升五合七勺

五則官田一則官山三則官地四則官塘共二頃四十一畝七分六釐八毫每畝科米一斗七

東安縣志

卷二

田賦

八

德慶新新印務書局承印

升一合二勺共米四十一石三斗九升零八勺

六則並四則五則官租田地塘共三十九畝三分八釐八毫每畝科米七升四合九勺共米二石九斗五升零二勺

二則官山三十一畝三分三釐每畝科米一斗六升六合九勺二抄六撮共米五石二斗二升九合八勺

三則沒官山八十二畝每畝科米五升共米四石一斗

四則官山五十畝又新告承一畝六分六釐八毫三絲四忽每畝科米四升共米二石零六升六合七勺三抄三撮六圭

以上官學田地山塘共十二頃六十八畝五分三厘一毫三絲四忽共米三百二十石零二斗五升九合七勺二抄三撮六圭內多會計米一斗五升三合六勺九抄摘出另項派征貯庫作正支銷另項徵支

德慶州割附 民田地共三十四頃三十五畝零七厘四毫每畝科民米三升二合一勺共米一百一十石零二斗六升五合九勺

民塘四十七畝八分五厘四毫每畝科米五升三合五勺共米二石五斗六升零二勺

民灣八畝一分一厘六毫每畝科正米五升共米四斗零五合八勺

高要縣割附 民田地山共一百七十九頃七十五畝六分一厘七毫每畝科米三升二合一勺共米五百七十七石零一升七合三勺

民塘七頃四十六畝九分六厘每畝科米五升一合三勺四抄九撮共米三十八石三斗五升五合六勺五抄

一則民塞三來魚步共一十畝零一分每畝科米五升二合一勺共米五斗二升六合二勺民灣七畝八分四厘七毫每畝科米五升共米三斗九升二合三勺五抄

二則民灣塞共十四畝每畝科米三升共米四斗二升

僧田地塘共九十四畝六分九厘每畝科米五升三合五勺共米五石零六升五合九勺

道塘三畝九分每畝科米一斗零七合共米四斗一升七合三勺

新興縣割附 一則民田地山塘湖共一百八十二頃六十二畝三分六釐四毫每畝科米五升九合三勺二抄八撮共米一千零八十三石四斗六升九合六勺

二則民田湖三十一畝六分零三毫每畝科米五升三合五勺共米一石六斗九升零八勺

三則民塘湖渡共五畝七分三釐九毫每畝科米三升二合一勺共米一斗八升四合二勺

民僧輕齋田四十八畝六分一釐二毫每畝科米一斗零七合共米五石二斗零一合五勺僧田七十六畝三分七釐二毫每畝科米一斗零七合共米八石一斗七升一合八勺

東安縣志

卷二

賦役

九

德慶新新印務書局承印

陽春縣割附 民田共四十四頃三十三畝七分七釐四毫每畝科米三升二合一勺共米一百四十二石三斗三升四合一勺

以上四州縣割民田地山塘共四百五十二頃零二畝六分二釐二毫共米一千九百七十六石四斗六升八合七勺

又割附一則夏麥地一畝科夏米三升二合一勺

二則夏麥地五畝二分五釐每畝科夏米三升共米一斗五升七合五勺

三則夏麥地一畝六分每畝科夏米二升一合四勺共米三升四合三勺

四則夏麥地二畝每畝科夏米二升共米四升

桑絲地六畝六分每畝科米一斗六升七合四勺五抄共米一石一斗零五合八勺

以上夏麥桑絲共一十六畝四分五釐共米一石三斗六升九合七勺

又一則狼田地共二頃六十六畝五分七釐六毫每畝科米四升共米十石零六斗六升三合

二則狼田山塘共四十三頃八十一畝五分一釐一毫每畝科狼米三升共米一百三十一石

四斗四升五合三勺

以上狼田地山共四十六頃四十八畝零八厘七毫共米一百四十二石一斗零八合三勺本縣恢復 一則田地塘共五百六十六頃一十六畝一分三厘六毫每畝科米五升共米二

千八百三十石零八斗零六合八勺
一則山二則田地塘共三百四十一頃六十六畝二分八釐四毫每畝科米四升共米一千三百六十六石六斗五升一合三勺六抄
二則山三則田地塘共九百五十五頃六十八畝九分六釐八毫每畝科米三升共米二千八百六十七石零六升九合零四抄
三則民山一頃九十九畝六分一釐八毫每畝科米二升共米三石九斗九升二合四勺
以上恢復原額及續報陞科共一千八百六十五頃五十一畝零六毫共科米七千零六十八石五斗一升九合六勺內抽出列作陞科米一千三百三十九石四斗四升一合五勺內除二百二十五石二斗七升八合四勺抵補晉康都民告豁官米芙蓉都里排告減重則民米尙米一千一百一十四石一斗六升三合一勺於康熙二十八年奉文配稅三百零四頃八十四畝五分六釐另項徵解外尙米五千七百二十九石零七升八合一勺
以上割附四州縣並恢復後本縣米狼米內除流算溢出官米及抽出列作陞科米二項摘出另項徵解外實共米八千三百九十四石四斗零九合一勺三抄三撮六圭

額外

東安縣志

卷二

賦役

十

德慶新新印務書局承印

一流算四州縣割附官米溢出米一斗五升三合六勺九抄

一恢復田地米內抽出配稅三百零四頃八十四畝五分六釐科米一千一百一十四石一斗六升三合一勺

又原未入全書新承陞科稅二十八頃七十五畝零八釐三毫科米一百零一石八斗二升八合一勺

又康熙二十二年報墾陞科稅五頃五十四畝二分七釐零三絲三忽科米一石零五升二合五勺

又雍正二年起科陳士亮等報開墾老荒照三則恢復四則夏麥共稅六頃九十四畝六分八厘二毫三絲七忽科米一十六石四斗四升零四勺七抄一撮一圭

雍正五年陸續起科共報承水坦額外荒蕪三則恢復稅一十一頃五十一畝六分一厘八毫二絲六忽米三十四石五斗四升八合五勺四抄七撮八圭

雍正九年起徵李道生報承一則恢復民田稅九分七釐科米四升八合五勺

雍正十年起徵告承德慶州割附民塘例稅八分七釐七毫科米四升六合九勺一抄九撮五圭

又高要縣割附民田例稅九分二釐科米二升九合五勺三抄二撮

又二則狼田例稅八畝七分科米二斗六升一合
又四則夏麥地例稅一十七畝五分五厘八毫科米三斗五升一合一勺六抄
雍正十三年起徵告承三則民山稅七畝零二厘五毫科米一斗五升零五勺
乾隆元年起徵告承沙坦恢復下則稅一十五畝科米四斗五升
以上共稅三百五十八頃一十一畝二分六厘三毫九絲六忽零共米一千二百六十九石五斗一升四合零二抄零四圭合前田地山塘等原額續陞共稅二千七百三十四頃九十八畝零六厘零三絲共徵米九千六百六十三石九斗二升三合二勺五抄四撮內除
一件彙報偏災情形事於乾隆十二年縣屬業戶田地被水冲陷一則地稅三十畝田稅一頃四十一畝二分每畝科民正米五升共米八石五斗六升二則田稅四頃一十九畝七分三厘每畝科民正米四升共米一十六石七斗八升九合二勺三則田稅一頃七十一畝二分每畝科民正米三升共米五石一斗三升六合通共冲陷地田稅七頃六十二畝一分三厘共民米三十石零四斗八升五合二勺咨

題奉

旨免征糧餉銀三十二兩二錢五分零六毫八絲八忽三微四僉六沙二塵二埃閏銀一兩四

東安縣志

卷二

賦役

十一

德慶新新印務書局承印

錢五分零八絲四忽四微零二沙一塵二埃九渺於乾隆十二年照數豁免征外

以上通縣田地山塘等原額及陸續陞實共存稅二千七百二十七頃三十五畝九分三厘零

三絲共征米九千六百三十三石四斗三升八合零五抄四撮

又乾隆六年業戶承墾額外斥鹵熟稅五十九畝五分二厘四毫每畝征銀四厘六毫四絲共

銀二錢七分六厘一毫九絲一忽三微六僉於乾隆六年照例起征解充兵餉不征本色

又乾隆三年業戶報墾額外稅荒斥鹵稅一十九頃六十四畝七分五厘七毫每畝征銀四厘

六毫四絲共銀九兩一錢一分六厘四毫七絲二忽四微八僉於乾隆十三年照例起征解

充兵餉不征本色

又乾隆十七年業戶首墾額外斥鹵熟稅五頃一十八畝一分四厘二毫四絲八忽每畝征銀

四釐六毫四絲共銀二兩四錢零四釐一毫八絲一忽一微零七沙二塵於乾隆十七年照

例起征解充兵餉不征本色

又乾隆二十一年業戶報墾額外斥鹵熟稅三十八畝零九釐每畝征銀四釐六毫四絲共銀

一錢七分六釐七毫三絲七忽六微於乾隆二十三年起征解充兵餉不征本色

又乾隆二十二年業戶報墾額外斥鹵熟稅五十四畝九分一釐四毫每畝征銀四釐六毫四

絲共銀二錢五分四釐八毫零九微六僉於乾隆二十四年起征解充兵餉不征本色

又乾隆二十八年業戶報墾額外斥鹵熟稅二十五畝五分九厘六毫八絲五忽五微每畝徵銀四厘六毫四絲共銀一錢一分八厘七毫六絲九忽五微於乾隆二十八年起征解充兵餉不征本色

又乾隆二十九年業戶吳譽贊報墾額外斥鹵熟稅二十八畝七分八厘八毫八絲每畝徵銀四釐六毫四絲共銀一錢三分三釐五毫八絲零三忽二沙於乾隆二十九年征解充兵餉不征本色

又乾隆三十三年業戶潘世澤等報陞水田斥鹵熟稅三畝一分零八毫五絲每畝徵銀四釐六毫四絲共銀一分四釐四毫二絲三忽四微四忽於乾隆三十三年起征解充兵餉不徵本色

又乾隆三十四年業戶張殿興報墾水田額外斥鹵熟稅二十七畝四分四釐五毫四絲每畝徵銀四釐六毫四絲共銀一錢二分七釐三毫四絲六忽六微五忽六沙於乾隆三十四年起征解充兵餉不征本色

又乾隆三十八年業戶彭登倫載文甘獻霖等報陞斥鹵熟稅一十八畝二分九釐零九絲二忽每畝徵銀四釐六毫四絲共銀八分四釐八毫六絲九忽八微六忽八沙八塵於乾隆三十八年起徵解充兵餉不征本色

東安縣志

卷二

賦役

十二

德慶新新印務書局承印

又乾隆三十九年業戶彭伯仲盤國升等報陞斥鹵熟稅九畝三分六釐四毫五絲每畝徵銀四釐六毫四絲共銀四分三厘四毫五絲一忽二微八忽於乾隆三十九年起征解充兵餉不征本色

又乾隆四十一年業戶羅榮宗報升斥鹵熟稅三畝八分四釐三毫一絲每畝徵銀四厘六毫四絲共銀一分七厘八毫三絲一忽九微八忽四沙於乾隆四十一年起徵解充兵餉不徵本色

又乾隆四十二年業戶陳德偉報陞斥鹵熟稅二畝四分二厘五毫每畝徵銀四厘六毫四絲共銀一分一厘二毫五絲二忽於乾隆四十二年征解充兵餉不徵本色

又乾隆五十二年業戶謝再璋報陞斥鹵熟稅三十四畝一分每畝征銀四厘六毫四絲共銀一錢五分八釐二毫二絲四忽於乾隆五十年起征解充兵餉不征本色

又嘉慶元年業戶盧秀榮等報陞斥鹵熟稅一畝六分九釐五毫每畝征銀四釐六毫四絲共銀七釐八毫六絲於嘉慶元年起征解充兵餉不征本色

以上自乾隆六年至嘉慶元年通共新承額外斥鹵稅二十七頃九十畝零八釐五毫五絲五忽五微合前原額除冲陷外實共稅二千七百五十五頃二十六畝零一釐五毫八絲五忽五微

原共征米九千六百三十三石四斗三升八合零五抄四撮

東安縣志

卷二

賦役

十三

德慶新新印務書局承印

歲派

官民僧道狼夏稅農桑原額新陞各項共實征米九千六百六十三石九斗二升三合二勺五抄四撮內

割附四州縣官米並收回陽春官米除流算溢出官米另項派徵外實該官米三百二十石零一斗零六合零三抄三撮六圭不派四差每石派徵糧料銀三錢一分八厘七毫四絲二忽共銀一百零二兩三分一釐三毫

割附民米並民僧輕齋共米一千八百二十石零四斗八升九合五勺共徵銀一千七百零一兩九錢三分四釐九毫九絲三忽內 德慶州民米一百一十三石二斗三升一合九勺

石派糧料四差銀一兩一錢一分一厘另五絲五忽 共銀一百二十五兩八錢零六釐八毫六絲九忽 高要縣民米六百

一十六石七斗一升一合五勺每石派糧料四差銀一兩零六分一厘七毫零九忽共銀六百五十四兩七錢六分八釐二

毫五絲六忽 新興縣民米並民僧輕齋米共一千零九十石零五斗四升六合一勺每石派糧料四差銀八錢四分四厘八毫六絲一忽共銀九百二十一兩三錢五分九厘八毫六絲八忽

割附僧道米一十三石六斗五升六合共徵銀一十兩零二錢五分零三毫內 高要縣僧道

東安縣志

卷二

賦役

十四

德慶新新印務書局承印

米五石四斗八升三合二勺折半編差每石派銀二錢三分九厘五毫八絲八忽共銀四兩六錢零三厘五毫七絲四忽

新興縣僧米八石一斗七升一合八勺全徵糧料折半編差每石派銀六錢九分零九毫九絲四忽共銀五兩六錢四分六釐七毫

夏麥米桑絲米共一石三斗六升九合六勺每石派司餉銀四錢五分正共銀六錢一分六厘三毫二絲

又收回陽春縣民米一百四十二石三斗二升四合一勺例不派糧料每石止派民壯銀一兩一錢九分七厘三毫二絲一忽共銀一百

七十兩零四錢零七厘六毫三絲三忽

又狼米一百四十二石一斗零八合三勺不派糧料每石派民壯銀三錢五分零四毫四絲三忽共銀四十九兩八錢零八毫

五絲九忽

恢復陞科民米五千七百二十九石零七升八合一勺每石派糧料四差糧八錢七分九厘五毫零八忽共銀五千零三十

八兩七錢七分零一毫一絲

恢復民米內抽出抵補告豁官民米二百二十五石二斗七升八合四勺每石派糧料四差銀八錢七分九厘五毫零八忽共銀一千一百一十四石一斗六

共銀一百九十八兩一錢三分五厘九毫八絲

尚米一千一百一十四石一斗六升三合一勺另項征作贏餘充餉

雍正五年至乾隆五年共新陞三則稅米三十四石五斗四升八合五勺四抄七撮八圭每石派糧

差銀八錢七分
九厘五毫八忽 共銀三十兩零三錢八分五厘七毫二絲四忽

雍正七年告承德慶割附民塘稅例米四升六合九勺一抄九撮五圭每石派糧差銀一兩一錢一分一厘五絲五忽 共銀

五分二厘一毫三絲

又高要割附民田例米二升九合五勺三抄二撮每石派糧差銀一兩零六分一厘七毫零九忽 共銀二分一厘三毫五絲

四忽

又二則狼稅例米二斗六升一合每石派糧差銀三錢五分零四毫四絲三忽 共銀九分一厘四毫六絲六忽

又四則夏麥例米三斗五升一合一勺六抄每石派司餉銀四錢五分 共銀一錢五分八厘零二絲二忽

雍正九年起征一則民田例米四升八合五勺每石派糧差銀八錢七分九厘五毫零八忽 共銀四分二厘六毫五絲六忽

忽

十三年年起征三則民山例米一斗四升零五勺每石派糧差銀八錢七分九厘五毫零八忽 共銀一錢二分三厘五毫

七絲一忽

東安縣志

卷一

賦役

十五

德慶新新印務書局承印

雍正十一年並乾隆元年共起征恢復下則十五畝米四斗五升每畝派糧差銀三分一釐八毫五絲一忽 共銀四錢七

分七釐七毫六絲五忽

以上共米八千四百三十石零二斗八升五合一勺九抄二撮九圭共徵銀七千三百零三兩三錢一分零一毫八絲三忽

又一頃地畝餉以通縣田地山塘等稅二千三百七十六頃八十五畝零二厘八毫照萬歷四十八年則例每畝派銀七厘零三絲零八微三僉一沙共銀一千六百七十一兩一錢二分三厘二毫每兩又帶征水脚銀一分五厘該銀二十五兩零六分六釐八毫

總計通縣官民僧道狼夏稅農桑等稅並恢復陞科及抽陞科抵補官民重則米各項實編派條鞭及地畝餉水脚共實徵銀八千九百九十九兩五錢零一毫八絲三忽閏銀三百八十五兩零四分七釐 連前原額及新增并續墾陞科人丁田丁共銀一千六百二十兩零四錢零六釐零三絲九忽閏銀九十五兩七錢四分三釐七毫八絲七忽共徵銀壹萬零六百一十九兩九錢零六釐二毫二絲二忽閏銀四百八十兩零七錢九分零七毫八絲七忽

額外

一續征雕墊漆匠衣裝及物料溢價銀以通縣原額田地山塘等稅二千三百七十六頃八十

五畝零二釐八毫派徵每畝征銀一毫八絲四忽五微九僉八沙共征本色物料溢價銀三十七兩一錢三分七釐二毫原本改折物料溢價銀四兩二錢九分八釐雕填漆匠衣裝銀二兩四錢四分零九毫閏銀二錢零三釐四毫

上三項共銀四十三兩八錢七分六釐一毫閏銀二錢零三厘四毫

一流算溢出官米一斗五升三合六勺九抄派銀四分九厘

一恢復原額及續報陞科抽出列作新陞稅米一千一百一十四石一斗六升三合一勺照例每石

徵銀八錢七分九厘五毫八忽共派銀九百七十九兩九錢一分五厘四毫

一原未入全書新承陞科及康熙二十二年陞科共米一百零二石八斗八升零六勺照例征糧銀九十兩零四錢八分四釐二毫

又雍正二年起科開墾老荒二次米一十六石四斗四升零四勺七抄一撮一圭派征糧料銀一十兩零六錢七分九釐七毫九絲四忽三微三僉二沙四塵五埃

又自乾隆六年至嘉慶元年新承額外斥鹵熟稅共二十七頃九十畝零八釐五毫五絲五忽

五微 照例每畝征銀四厘六毫四絲共起征銀一十二兩九錢四分五釐九毫九絲七忽

上五項共銀一千零九十四兩零七分四釐三毫九絲一忽三微三僉零

東安縣志

卷二

賦役

十六

德慶新新印務書局承印

又一項南工匠價銀兩於雍正七年奉文通省地畝均勻派征以縣內田地山塘放稅及陸續陞科共稅二千七百廿二頃九十五畝二分四厘每畝派匠價銀一毫三絲零九僉六沙八塵五埃零三漠零八遂六巡共銀卅五兩六錢五分三厘九毫九絲六忽三微五僉八沙遇閏每畝加銀一絲零八微四僉零一塵零一渺零八末五遂五巡該閏銀二兩九錢八分三厘六毫六絲六忽九微九僉四沙內此項照奉行數目勻算計多派額稅三百零四頃八十四畝五分一厘多派匠價銀四兩一錢九分五厘一毫八絲一忽零一僉四沙先經

詳明奉行遵照通縣實稅二千四百一十八頃一十畝零七分三厘一毫四絲均派

以上地丁連新陞科及奉文匠價派八應徵通共派銀一萬一千七百九十三兩五錢零六厘

七毫零內除康熙四十五年奉文行徵復本色米一千七百零六石四斗除銀一千五百一

十三兩七錢八分九釐五毫每石本色米除銀數目備列糧米項下又除乾隆十二年詳奉

題豁冲陷田畝糧餉銀三十二兩二錢五分零六毫八絲七忽閏銀一兩四錢五分零八絲四忽四微零外

尙實徵地丁錢糧新陞科及奉文行匠價派入慶徵共銀一萬零二百四十七兩四錢六分六釐五毫零遇閏加銀四百八十二兩五錢二分七厘七毫六絲九忽零

額征欸項

一起運並優免裁扣裁官除新復廩生餽糧與新加教諭訓導俸並續奉行正印役免扣勻攤及補給孤貧口糧列回備支項下并均補春秋二祭與豁除冲陷稅畝糧餉外尚銀三千二百二十六兩四錢三分五厘閏銀六十一兩八錢二分三厘內
本色白蠟價銀二十三兩三錢八分一厘
裁官經費銀一百六十一兩一錢二分閏銀一十三兩四錢二分七釐
驛站七分脩船銀四十三兩八錢七分
春秋二祭 文帝品物價銀二十六兩六錢六分七釐嘉慶六年奉行在起運項下支銷
春秋夏三祭 武帝品物價銀四十兩
起運尚充餉銀二千九百三十一兩三錢九分七厘閏銀四十八兩三錢九分六厘
一項存留額編兵餉銀五千三百零六兩三錢六分五厘九毫閏銀三百三十三兩二錢七分三釐內改徵本色米一千七百零六石四斗正該價銀一千五百一十三兩七錢九分解督糧道外尚充餉銀三千七百九十二兩五錢七分六釐閏銀三百三十三兩二錢七分三釐
一項軍器料銀二兩二錢二分五釐

東安縣志

卷二

賦役

十七

德慶新新印務書局承印

一項驛傳銀二百九十七兩九錢零二釐內裁充餉銀一百七十七兩九錢零二釐解司尚銀一百二十兩解道今一并分欸解司
一項官役俸食心紅均平解戶水脚時憲書與新加教諭訓導俸續奉行正印役免扣勻攤與補給孤貧口糧各項內除奉行勻攤知縣正印官俸與續奉行請酌均祭歸人起運項下外尚銀一千三百六十五兩二錢三分八厘閏銀八十二兩一錢零八厘內除在縣畱支銀一千零九十九兩三錢八分八厘閏銀七十四兩八錢四分五釐尚充餉銀二百六十五兩八錢五分閏銀七兩二錢六分三厘
一項南工匠價派入地畝銀三十五兩六錢五分四厘閏銀二兩九錢八分四厘

額外

一項雕墊漆匠衣裝銀二兩四錢四分一厘閏銀二錢零三厘
一項新增丁口銀二十八兩八錢三分八厘閏銀二兩一錢三分七厘
一項陞科米銀一千三百九十九兩一錢一分二釐
一項本色并改折物料溢價銀四十一兩四錢三分五釐
一項自康熙四十二年至嘉慶元年據各業戶首墾陞科額外荒蕪及斥鹵熟共稅起征銀五

十五兩零一分一釐

以上通共額征除改徵本色米價銀外尙實應額徵銀壹萬零二百四十七兩四錢六分七釐
遇閏加銀四百八十二兩五錢二分八釐

另帶征

一項雍正十年奉文勻派肇慶衛陽春所慶德所歸並屯丁銀二十九兩四錢七分二釐閏銀
一兩一錢四分六釐

又全書附載應征

一稅契銀部額五十兩科場銀一十六兩六錢六分六釐六毫查稅契一項凡業戶買業每價
銀一兩稅銀三分科場銀一分火耗銀一釐二毫雍正六年奉文用司頒契紙其稅銀除正
額銀五十兩隨同錢糧解司外其餘稅科銀兩儘收儘解迨乾隆元年革除司頒紙契仍用
契尾投稅

一雜稅原額銀一百四十九兩二錢九分另加僧爐餉溢羨銀二十二兩五錢內除扶鑿全勝
鐵場三爐連溢羨共餉銀五十四兩於乾隆十六年詳准 部行豁銷又南浦爐餉銀一十
八兩七錢五分於乾隆二十一年詳准 部行豁銷外

東安縣志

卷二

賦役

十八

德慶新新印務書局承印

現在實徵雜稅銀九十五兩二錢九分內

官地鋪租銀二十九兩九錢九分

山餉銀二十六兩三錢

六都渡餉銀三兩

太平永寧二爐每應餉銀一十八兩共餉銀三十六兩

合共雜稅銀九十五兩二錢九分

另太平永寧二爐每應加增溢羨銀七錢五分共銀一兩五錢查係續增之款不入雜稅額外
仍應解司

以上除科場及加增爐餉溢羨銀兩不入錢糧之額外實徵正雜錢糧屯丁稅契額銀共壹萬
零四百二十二兩二錢二分九釐閏銀四百八十二兩五錢二分八釐
以上額徵銀兩除在縣畱支外餘俱解司

本折起運

原戶部項下京庫金花均一鋪墊料地畝餉本折共銀二千二百一十兩零三錢分三厘二毫內均一鋪墊本色料銀四十三兩零九分八釐八毫金花均一料地畝餉折色銀二千一百六十七兩二錢八分四釐四毫

原兵部項下驛傳節裁銀六十二兩六錢七分一厘

原工部項下四司竹木翠毛料銀六十五兩四錢五分四釐三毫

今解

藩司各項共銀九千三百三十兩零六錢六分三釐內

裁縣修宅家伙上司傘扇共銀三十兩 順治九年裁

裁縣吏書門皂等役工食銀一百九十三兩二錢遇閏加銀一十六兩一錢 順治九年裁

裁典吏書門等役工食銀八兩四錢遇閏加銀七錢 順治九年裁

裁羅苛司書皂工食銀三兩六錢遇閏加銀三錢 順治九年裁

裁朔望行香紙燭銀二兩五錢 順治九年裁

裁馬快草料銀八十六兩四錢遇閏加銀七兩二錢 順治九年裁

東安縣志

卷二

賦役

十九

德慶新新印務書局承印

裁門神桃符銀四錢 康熙十四年裁

裁官吏朝 覲銀三十六兩六錢六分六厘六毫 康熙十四年裁

裁迎接

詔赦香燭上司經臨卷箱槓索火藥迎宴新科舉人什物一應合用未盡事宜銀六十六兩 康熙十四年裁

熙十四年裁

裁鄉飲酒禮銀二兩八錢

裁縣史書工食銀七十二兩遇閏加銀七兩 康熙十七年裁

裁典史書辦工食銀六兩遇閏加銀五錢 康熙十七年裁

裁教諭書辦齋夫門子工食銀六十四兩八錢遇閏加銀五兩四錢 康熙十七年裁

裁教官喂馬草料銀二十四兩 康熙十七年裁

裁汰教諭俸薪銀三十一兩五錢一分遇閏加銀二兩六錢二分六厘六毫 康熙十七年裁

裁羅苛司書皂工食銀一十二兩遇閏加銀一兩 康熙十七年裁

裁汰本道吏書快手聽事吏工食銀二百九十二兩八錢遇閏加銀二十四兩四錢 康熙二十一年裁

年裁

裁縣薪蔬油燭銀二十八兩四錢九分遇閏加銀二兩三錢七分四厘二毫 康熙二十一年裁

裁心紅紙筭銀二十兩遇閏加銀一兩六錢六分六厘六毫 康熙二十一年裁

裁修理倉監刑具銀二十兩

裁科舉生員花紅銀六兩八錢

裁歲考生員童生果餅銀一兩八錢三分三厘三毫

裁燈夫工食銀二十四兩遇閏加銀二兩 雍正五年裁

裁民壯工食銀一百五十兩遇閏加銀二十五兩 雍正十三年裁

裁養濟院孤老柴衣銀八兩六錢六分六釐七毫遇閏加銀六錢五分零二毫

裁會試舉人酒席每年派銀一十一兩 康熙十四年奉行全裁歸入起運項下解司

裁縣學歲貢生盤纏花紅羊酒每年派銀三十五兩三錢 康熙十四年奉行全裁歸入起運項下解司

會試舉人水手三名每名給銀一十兩共銀三十兩雍正七年奉文解司通省勻給

以上裁扣銀一千二百六十八兩三錢七分六厘六毫遇閏加銀九十五兩九錢一分七釐七毫

東安縣志

卷二

賦役

二十

德慶新新印務書局承印

留支

本縣知縣

原額歲支俸銀四十五兩 乾隆元年奉行勻攤銀一兩四錢五分三厘八毫零歸入起運項下批解外遞年實支俸銀四十三兩五錢四分六厘

遇閏加銀三兩七錢五分 乾隆元年奉行勻攤銀三錢九分六厘三毫零歸入起運項下外尚銀三兩三錢五分四厘遞年批解 藩庫

門子二名每名歲支工食銀六兩共支銀一十二兩內奉行每名每月扣給禁卒工食銀五分週年共扣銀一兩二錢外實支銀一十兩零八錢又每遇月小每名扣除銀一分五釐

每月小共扣銀三分遞年 奏銷彙同扣除各役月小銀兩批解 藩庫

遇閏加銀一兩內扣給禁卒銀一錢實支銀九錢閏月若小扣除銀三分批解

皂隸一十六名每名歲支工食銀六兩共銀九十六兩遇閏加銀八兩內於雍正六年奉文撥工食三名改給件作外

尚一十三名歲支銀七十八兩內又奉行每名每月扣給禁卒工食銀五分週年共扣銀七兩八錢外實支銀七十兩零二錢又每遇月小每名扣除銀一分五釐每月小共應扣銀一錢九分九釐批解藩庫

東安縣志

卷二

賦役

廿一

德慶新新印務書局承印

遇閏加銀八兩內除改給件作工食銀一兩五錢又撥支禁卒銀六錢五分尚閏銀五兩八

錢五分閏月若小亦扣除銀一錢九分五釐批解

件作四名奉行在皂隸項內撥來三名工食銀一十八兩遇閏加銀一兩五錢不扣恤給禁卒每遇月小每名扣除銀一分二釐五毫每月小共扣銀五分批解 藩庫閏小亦扣解

民壯原額五十名每名歲支工食銀六兩共支銀三百兩閏銀二十五兩雍正十三年奉裁二十五名解司除工食銀一百五十兩閏銀一十二兩五錢外

尚二十五名歲支工食銀一百五十兩內奉行每名每月扣給禁卒工食銀五分週年共扣銀一十五兩外實支銀一百三十五兩又每遇月小每名扣除銀一分五釐每月小共扣

銀三錢七分五釐批解 藩庫

遇閏加銀一十二兩五錢 雍正七年奉行遇閏不支

馬快八名每名歲支工食銀八兩共銀四十八兩內奉行每名每月扣給禁卒工食銀五分週年共扣給銀四兩八錢外實支銀四十三兩二錢又每遇月小每名每月扣銀一分五

釐每月小共扣銀一錢二分批解 藩庫

遇閏加銀四兩內奉行扣給禁卒工食銀四錢外尚銀三兩六錢閏月若小亦扣解銀一錢二分

轎傘扇夫七名每名歲支工食銀六兩共支銀四十二兩遇閏加銀三兩五錢奉行不扣給
禁卒每遇月小每名每月扣銀一分六厘六毫每月小共扣銀一錢一分六厘六毫閏月
照扣

斗級四名每名歲支工食銀六兩共支銀二十四兩內奉行每名每月扣給禁卒工食銀五
分週年共扣給銀二兩四錢外實支銀二十一兩六錢又每遇月小每名每月扣除銀一
分五釐每月小共扣銀六分批解 藩庫

遇閏加銀二兩內奉行扣給禁卒工食銀二錢外實支銀一兩八錢閏月若小亦扣解銀六
分

庫子四名每名歲支工食銀六兩共支銀二十四兩內奉行每名每月扣給禁卒工食銀五
分週年共扣給銀二兩四錢外實支銀二十一兩六錢每遇月小每名每月扣銀一分五
釐每月小共扣銀六分批解 藩庫

遇閏加銀二兩內奉行扣給禁卒工食銀二錢外實支銀一兩八錢閏月若小亦扣解銀六
分

禁卒八名每名歲支工食銀六兩共支銀四十八兩又奉行在正印役內五十六名每名撥
給銀五分共撥給銀三十三兩六錢通共工食銀八十一兩六錢內每遇月小每名扣除

東安縣志

卷二

賦役

廿二

德慶新新印務書局承印

銀二分八釐三毫每月小共扣除銀二錢二分六釐四毫批解 藩庫

遇閏加銀四兩又奉行在正印撥給閏銀一兩五錢五分共閏銀五兩五錢五分閏月若小
扣解銀一錢八分五釐

典史一員

歲支俸銀三十一兩五錢二分遇閏加銀二兩六錢七分閏俸遞年批解 藩庫

典史門子一名歲支工食銀六兩遇閏加銀五錢每遇月小扣解銀一分七釐閏小亦扣解

典史馬夫一名歲支工食銀六兩遇閏加銀五錢每遇月小扣解銀一分七釐閏小亦扣

典史皂隸四名歲支工食銀六兩共支銀二十四兩遇閏加銀二兩每遇月小每名扣解銀

一分六釐六毫六絲每月小共扣解銀六分七釐閏小亦扣

儒學

教諭
訓導

各一員

原共俸銀三十一兩五錢二分遇閏加銀二兩六錢二分六釐六毫乾隆元年奉行教職

加俸教諭實俸銀四十兩遇閏加銀一兩三錢一分三厘三毫 閏俸
訓導實俸銀四十兩

遇閏加銀一兩三錢一分三厘三毫

閏俸
扣解

齋夫三名每名歲支工食銀一十二兩共支銀三十六兩內遇月小每名每月扣銀三分三釐三毫每月小共扣銀一錢閏小亦扣

儒學門子二名每名歲支工食銀七兩二錢共支銀一十四兩四錢遇閏加銀一兩二錢每遇月小每名每月扣銀二分月小共扣解銀四分閏小亦扣

廩生二十名遵奉文行復回支三分之一每名歲支廩銀二兩四錢共銀四十八兩

膳夫二名每名歲支工食銀六兩六錢六分六釐六毫五絲共銀一十三兩三錢三分三厘遇閏加銀一兩一錢一分一厘遇月小每名每月扣解銀一分八厘五毫每月小扣解銀三分七厘閏小亦扣

按廩膳銀兩向係移送儒學給發雍正二年奉行有糧者在縣兌糧無糧者在縣給領羅苛埠巡檢司巡檢一員今改爲西山司巡檢

歲支俸銀三十一兩五錢二分遇閏加銀二兩六錢二分七厘閏俸遞年批解 藩庫

西山司弓兵二名每名歲支工食銀三兩共支銀六兩遇閏加銀五錢每遇月小每名每月扣銀一分六厘六毫每月共扣解銀一分七厘閏小亦扣

孤貧一十一名口原額支銀一十七兩三錢三分三厘三毫乾隆三年奉行週歲支銀三十九兩六錢遇閏加銀三兩三錢每遇月小每名每月扣銀一分每月小共扣解銀一錢一

東安縣志

卷二

賦役

廿三

德慶新新印務書局承印

分閏小亦扣

關帝廟春夏秋三祭支銀一十五兩雍正三年奉文支銀四十兩在起運項下支銷

文昌廟春秋二祭支銀二十六兩六錢六分七厘嘉慶六年奉文在起運項下留支

拜牌習儀香燭派銀五錢

春秋二祭原派銀六十一兩四錢一分乾隆八年奉行均祭派銀六十九兩五錢八分二厘內祭

文廟 啟聖 名宦 鄉賢共銀四十六兩五錢四分七厘

山川壇 社稷 銀一十九兩三錢一分八釐

常雩禮銀三兩七錢一分七釐

無祀鬼神每年三祭原派銀一十五兩乾隆八年奉行均祭勻派銀一十四兩八錢零三釐

迎春土牛芒神春花春鞭三牲祈雨祈晴日食月食香燭祭品派銀八兩

鄉飲酒禮二次派銀二兩八錢今另文解司

時憲書派銀二兩五錢解司造時憲書

解戶水脚銀三兩二錢八分四釐解司

奉裁民壯二十五名工食銀一百五十兩閏銀一十二兩五錢原入留支項下雍正十三年奉裁汰遞年另文解司

奉裁燈夫四名該工食銀二十四兩閏銀二兩原入留支項下雍正五年奉行裁汰遞年另文解司

□以上留支銀一千一百六十六兩零五錢五分內除支祭

文帝銀六十六兩六錢六分七釐歸于起運項下扣支外

尙留縣備支均平等項下銀一千零九十九兩三錢八分八釐閏銀七十四兩八錢四分五

釐又除鄉飲酒禮時憲書解戶水脚及奉裁民壯燒夫等項共銀一百八十二兩五錢八

分四釐遞年解司外

實尙留縣備支官俸役食祭祀等銀九百一十六兩八錢零四厘

附另支

先農壇每年一祭支藉田穀價銀六兩一錢八分

六都漿船巡丁六名歲支工食銀五十七兩六錢米二十一石六斗火藥銀五兩七錢六分

在徵收地穀內給發地穀不敷係官捐給

雲容雲廉猺總二名歲支工食銀二十四兩在本州漆羨銀兩內撥抵

東安縣志

卷二

賦役

廿四

德慶新新印務書局承印

西山民壯四名歲支工食銀二十四兩在藩司公項撥給

舖役二十四名歲支工食銀一百四十四兩內十七名在本州漆羨銀兩領支餘俱係官捐給

糧米

東安原額開墾田地山塘共稅二千三百七十六頃八十五畝零二厘八毫

一官米每石派銀三錢一分八厘七毫四絲二忽共除銀三兩零五分九厘五毫改征本色米九石五斗九升八合八勺

一德慶州割附民米每石派銀一兩一錢一分一厘零五絲五忽共除銀二十七兩八錢五分四厘改徵本色米二十五石零七升

一高要縣割附民米每石派銀一兩零六分一厘七毫零九忽共除銀一百四十二兩九錢九分二厘一毫改征本色米一百三十四石六斗八升

一僧道米每石派銀八錢三分九厘五毫七絲八忽共除銀五錢九分四厘四毫改徵本色米七斗零八合

一新興縣民僧輕齋米每石派銀八錢四分四釐八毫六絲一忽共除銀一百一十一兩三錢一分八釐四毫改徵本色米一百三十一石七斗五升九合三勺

一僧米每石派銀六錢九分零九毫九絲四忽一微共除銀三錢七分八釐九毫改徵本色米五斗四升八合四勺

東安縣志

卷二

賦役

廿五

德慶新新印務書局承印

一陽春縣民米每石派銀一兩一錢九分七釐三毫二絲一忽共除銀三十八兩一錢二分二釐四毫改徵本色米三十一石八斗三升九合八勺

一本縣恢復民米每石派銀八錢七分九釐五毫零八忽共除銀一千一百七十七兩九錢三分五釐九毫改徵本色米一千三百三十九石三斗一升二合三勺

一夏農米每石派銀四錢五分共除銀四分九釐七毫改徵本色米一斗一升零四勺

一狼米每石派銀三錢五分零四毫四絲三忽共除銀一十一兩四錢八分五釐一毫改徵本色米三十二石七斗七升三合

以上實徵本色米一千七百零六石四斗于存留項下除去額征銀一千五百一十三兩七錢八分九釐零

屯賦

雍正三年奉裁衛所歸併東安縣管理原額及續墾陞科額征共屯米一千七百零三石九斗二升三合六勺又征丁銀二十九兩四錢七分二厘四毫五絲閏銀一兩一錢四分五厘零

一肇慶衛歸併原額田地山塘共荒熟稅八十八頃八十四畝四分四厘二毫一絲五忽八微二僉應征米一千八百七十四石三斗一升四合零三抄一撮內除荒陷寇荒稅三十一頃一十三畝九分六釐三毫九絲一忽九微二僉應除米八百二十四石四斗八升九合三勺八抄三撮外尙實征熟稅五十七頃七十畝零四分七厘八毫二絲三忽九微各科則不等共額征米一千零四十九石八斗二升四合六勺四抄八撮

又雍正七年白石屯業戶朱旦元等自首陞科下則稅一頃七十一畝零九厘五毫六絲起征米一十五石一斗九升五合零二圭三粟六粒

又雍正八年象湖抱村等屯業戶賴秉公童仕賢等報墾稅五頃四十三畝七分零九毫一絲三忽二微照減則例奉部文行庚申年起征米四十八石二斗八升六合八勺零八撮零一粟二粒九截二糊

東安縣志

卷二

賦役

廿六

德慶新新印務書局承印

又雍正十年企嶺屯業戶周肇京等報墾稅一十九畝八分一釐八毫照減則例奉

部文行壬戌年起征米一石七斗六升^令三抄六撮五圭八粟

又雍正十一年寶豐屯業戶譚茂起征原報墾稅二十四畝米二石一斗三升一合四勺四抄

又雍正十一年洗村等屯業戶吳獻聰等報墾稅三頃二十二畝六分二釐照減則例奉

部文行癸亥年起征米二十八石六斗五升一合八勺八抄二撮二圭

又雍正十二年荔枝等屯業戶藍璣成等報墾稅一頃一十九畝八分七釐五毫照減則例奉

部文行甲子年起征米一十石零六斗四升六合零九抄八撮七圭五粟

又雍正十三年左堡等屯業戶陳宣舜等報墾稅二頃六十二畝二分照減則例奉

部文 乙五年起征米二十三石二斗八升五合九勺八抄二撮

以上共徵屯米一千一百七十九石七斗八升一合八勺九抄六撮五圭三粟九粒八截三糊三糠

原額屯丁八十丁零八分六釐又康熙二十七年至雍正二年增丁一丁六分四厘每丁征銀三錢四分八厘八毫四絲三忽閏銀一分五釐七毫三絲二忽共徵銀二十八兩七錢

七分九厘閏銀一兩三錢零三厘雍正九年奉行丁隨糧納該派丁七十八丁五分五釐徵銀二十兩零一錢七分八厘六毫九絲閏銀七錢八分四厘五毫七絲七忽

一德慶所歸併原額田地山塘共荒熟稅二十四頃六十九畝六分應征米五百四十七石二斗一升一合零七抄七撮二圭內除荒陷稅三頃二十八畝八分九厘連減則無徵米九十一石六斗五升六合六勺七抄九撮二圭外尚實徵熟稅二十一頃四十畝零七分一厘各科則不等共額徵米四百五十五石六斗五升四合三勺九抄八撮七圭六粟七粒一截九糊四糠

又雍正八年托峒替陂等屯業戶陳起光孟國輝等報墾稅五十五畝四分照減則例奉

部文行庚申年起征米四石九斗二升零七抄四粒

又雍正十年陀步屯業戶區殿華等報墾稅七十六畝五分四厘照減則例奉

部文行壬戌年起征米六石七斗九升七合五勺一抄七撮四圭

又雍正十二年陀步屯戶邱福進等報墾稅一頃四十二畝九分五厘照減則例奉

部文行甲子年起征米一十二石六斗九升五合三勺八抄九撮五圭

以上共額征屯米四百八十石零六升七合三勺七抄九撮六圭六粟七粒一截九糊四糠原額征屯丁一十六丁每丁歲徵銀五錢二分四釐七毫七絲六忽遇閏每丁加銀二分七

東安縣志

卷二

賦役

廿七

德慶新新印務書局承印

釐七毫八絲三忽共歲徵銀八兩三錢九分六釐四毫一絲六忽閏銀四錢四分四厘五毫二絲八忽雍正九年奉行丁隨糧納該派屯丁三十三丁六分一厘徵銀八兩六錢三分三厘一毫八絲三忽閏銀三錢三分五厘六毫七絲一忽

一陽春所歸併原額田地山塘共荒熟稅二頃六十二畝二分五厘六毫七絲九忽應征米七十八石六斗七升七合零三抄七撮內除荒陷稅一頃零二畝九分七厘九毫六絲二忽二微三釐零二塵連減則無征共米四十三石八斗一升一合六勺七抄三撮六圭一粟五粒外尚實征熟稅一頃五十九畝二分七厘七毫一絲六忽七微六釐九沙八塵各科則不等共額征米三十四石八斗六升五合三勺六抄三撮三圭八粟四粒

又雍正八年雙璜那性等屯業戶區陞朝顏廣有等報墾稅八十三畝九分九厘二毫九絲一忽九微照減則例奉

部文行庚申年起征米七石四斗五升九合四勺一抄一撮一圭三粟六粒三截九糊

又雍正十年那性屯業戶顏居丰等報墾稅一十畝照減則例奉

部文行壬戌年起征米八斗八升八合一勺

又雍正十三年那性屯業戶顏居丰等報墾稅九畝七分照減則奉

部文行乙丑年起征米八斗六升一合四勺五抄七撮

以上共額征屯米四十四石零七升四合三勺三抄一撮五圭二粟零三截九糊
原額征屯丁一丁照例歲征銀二錢七分零五絲六忽閏銀一分二厘六毫八絲三忽雍正
九年奉行丁隨糧納該屯丁二丁五分八厘銀六錢六分零五毫八絲六忽三微遇閏加
銀二分五釐六毫八絲四忽

以上原額肇慶德慶陽春各衛所及本縣首陞報墾共實征稅九十九頃一十二畝三分六
釐六毫零共徵屯米一千七百零三石九斗二升三合六勺內

奉撥解省城兵米九百三十石零五斗二升八合九勺

奉撥解肇慶兵米七百七十三石三斗九升四合七勺

後於嘉慶二十五年奉

藩憲魏

糧憲盧

會詳

撫憲康 以粵東屯田地瘠賦重從前征輸未能定額每致批解不前民有虛糧官多賠累
奏准在於通省年久沙坦補陞銀米項下撥抵重則屯糧分別等則遞減奉行東邑共減征
屯米二百零九石二斗二升五合九勺由香山縣在補陞沙坦正米內代解省倉交納外
東邑實尚應征屯米一千四百九十四石六斗九升七合七勺內應 撥解省米七百二

東安縣志

卷二

賦役

廿八

德慶新新印務書局承印

十一石三斗零三合

撥解肇米七百七十三石三斗九升四合七勺

共應徵屯丁銀二十九兩四錢七分二厘遇閏加銀一兩一錢四分五厘奉行隨同地丁錢
糧銀兩遞年分別上下忙批解 藩庫

本折耗羨

額征地丁起存錢糧併派匠價及歸併衛所與新陞科共銀一萬零二百七十六兩九錢三分
九釐閏銀四百八十三兩六錢七分四厘雍正七年 題定每兩派徵一六九火耗銀一
千七百三十六兩八錢零二釐六毫九絲一忽遇閏加銀八十一兩七錢四分零九毫零
六忽內

派徵三分

院司養廉銀三百零八兩三錢零八釐一毫七絲閏銀一十四兩五錢一分零二毫二絲盡
數解司

派徵四分

公用銀四百一十一兩零七分七釐五毫六絲閏銀一十九兩三錢四分六釐九毫六絲內
除留支本縣巡檢週歲養廉銀六十兩典史週歲養廉銀六十兩外餘銀盡數解司

派徵九釐

部費銀九十二兩四錢九分二釐四毫五絲一忽閏銀四兩三錢五分三釐零六絲六忽盡
數解司

派徵九分

各官養廉銀九百二十四兩九錢二分四釐五毫一絲閏銀四十三兩五錢三分零六毫六
絲內除留支本縣中縣週歲養廉銀八百兩外餘銀盡數解司

額征本色民米一千七百零六石四斗內

支本城營兵米九百五十石

解省米七百五十六石四斗

雍正七年 題定每石徵耗米一斗六升共徵耗米二百七十三石零二升四合內

糧驛道養廉銀兩及囚糧米石與解運脚費並修補廩座盤晾鼠耗夫工墊筭等項共支

東安縣志

卷二

賦役

廿九

德慶新新印務書局承印

銷耗米二百二十四石九斗一升六合

尚除耗米四十八石一斗零八合奉行協貼陽春縣辦公

額征屯米一千四百九十四石六斗九升七合七勺應耗米二百三十九石一斗五升一合

六勺零內

一解省米七百二十一石三斗零三合水路三百八十里每百里給米一升五合陸路五十
里每十里給米二升共支耗米一百一十三石二斗四升四合六勺

一解肇米七百七十三石三斗九升四合零水路一百三十里每百里給米一升五合陸路
五十里每十里給米二升共支耗米九十二石四斗二升零

一解前項肇米每石解 糧道養廉銀一分五釐共銀一十一兩六錢零一厘每石米七折
共支耗米一十六石五斗七升二合

尚耗米一十六石九斗一升五合支銷解運省肇米上倉下船及支買修補廩座墊筭包裹
鼠耗米石各項尚屬不敷

附地穀

額征地穀雍正八年知縣陳洪範詳奉支給六都槳船巡丁工食

通縣各都里戶共告承山坡地畝共稅八十三頃八十八畝七分八厘九毫二絲六忽每畝徵收地穀三升遞年額徵地穀二百五十一石六斗六升三合七勺久經詳定每石易銀六錢一分該銀一百五十三兩五錢一分五厘內除歲支鋪兵工食銀一百零二兩尚銀五十一兩五錢一分五厘每屆奏銷批解 司庫充公

鹽課

歲額鹽引原一百零九道節次增引一百零五道嗣又屢增今實額銷引二千八百零三道八分七厘一毫八絲又餘鹽改引三百八十道零五分五釐六毫

鹽餉二百二十六兩零四分二厘康熙五十七二十三分加引餉銀四百三十七兩六錢三分今實額餉銀一千三百七十五兩八錢六分七厘五毫六絲二忽三微一僉七沙三塵三埃八渺又康熙四十六年奉文餘費徵作正項充餉銀四百三十九兩零三分二厘一毫又餘鹽改引應徵餉銀二百四十六兩三錢二分八釐

共應徵餉銀二千零六十一兩二錢二分八釐查此項銀兩原係商人完納迨嘉慶十四年商人告退無人承辦業於嘉慶十六十八等年知縣尹佩紳署知縣李時華稟請運憲飭令局商舉充現尚懸缺無人所有餉項悉歸綱商着令水客試辦

倉儲志

世之盛也餘九餘三可以支水旱而民無菜色足食故也山城稻雖再熟豐歲僅自給耳而有備無患倉廩握生人之命焉至若痼瘵乃躬澤及梵獨春和議賑之詔可做而行也司牧者能愬然乎志倉儲而附以郵政

縣治常平倉一所正廳三間左右倉廩共四間萬歷十七年知縣郭濂添設東西倉廩四間經久傾頽康熙十一年知縣張其善修復四十五年奉文徵復本色米穀知縣何洪先添設倉廩六間五十四年奉本州發貯一件粵閩同屬海疆等事捐納紀監穀七千石知縣張沆將縣倉正廳三間改爲倉廩雍正四年奉文並歸屯米又撥西寧縣添設穀一千餘石知縣喬振先詳請添建縣倉二間八年知縣陳洪範詳請添建縣倉四間乾隆五年奉文本省捐監貯穀東安應捐穀四萬石知縣莊大中詳請添建倉廩三十六間

一貯常平倉穀共一萬四千二百九十三石四斗三升內

一 生俊紀監支存穀三千八百四十石

一 粵閩同屬海疆等事奉州發貯穀七千石

一 請核贖緩等事原流貯報部及歷年捐積穀八百五十四石二斗五升

東安縣志

卷二

倉儲

卅一

德慶新新印務書局承印

一撥本州勻貯穀六百石

一各省州縣積穀等事三次共捐穀三百八十七石

一勸諭積穀等事捐穀四百石

一欽奉 上諭事奉撥西寧縣添穀一千零八十五石五斗八升

一欽奉 上諭事捐穀一百二十六石六斗

一另項建造屯倉奉行核減銀兩買貯穀五十五石六斗六升

一社倉雍正元年二年通邑共捐穀一千五百五十石零四斗分貯各鄉民自收

又自乾隆二十三年以後遵奉勸捐社穀一千零九十一石又自乾隆三十年起至五十年止共收息穀一千三百六十六石三斗五升三合七勺

原捐續捐共社穀四千零七石七斗五升三合七勺分貯富霖水東連攤六都縣城五處社

倉廩存貯設立社正 管理

六都水次倉一所縣治環山不通水道歲解省肇兵米民屯上穀運納維艱康熙五十四年知縣張沆於六都水次添設倉六間雍正四年知縣喬振先詳請添設二間乾隆四年知縣莊大中葺修

倉前晒堂一所六都向無晒地運納者僦諸居民守候稽延殊爲艱苦乾隆四年知縣莊大

中擇大覺庵後曠地一段捐置灰砂晒場寬數丈便風晒焉

郵政附

養濟院一所在縣城西一里屬內孤貧男婦按月支給口糧額載賦役

漏澤園二所一在縣城北近厲壇一在城西玉屏山麓

一常平倉乾隆五年以後額貯附貯共存穀二萬二千一百九十四石四斗三升四合於乾隆十二年平糶倉穀三千五百三十二石一斗又賑恤災民穀三百九十九石一斗五升又乾隆十六年分平糶倉穀一千一百九十石二十三年又平糶倉穀一百七十石平糶銀兩儘數解存 司庫尙實存倉穀一萬六千九百零三石一斗八升四合

一縣城社倉與常平倉均字廩相連此二倉廩附近倉前事爲風雨飄飄久難載稻道光三年知縣汪兆柯鳩工修葺完固

東安縣志

卷二

倉儲

卅二

德慶新新印務書局承印

水利志

水性潤下以資作甘溝洫之制王者所宜盡力也邑地惟東北一路聯接西江時苦淹沒餘皆在萬山叢集中故田疇所植多藉坑源而淺深高下蓄洩施焉蓋地脈孕靈因勢乘便厥利溥哉然杠梁以免病涉舟楫以濟不通亦奚可忽也志水利而以橋渡附焉

羅花陂 白石坑陂 雙坤陂 井塘陂 觀圳陂
羅官陂 逢逾陂 建村陂 大陂 羅埇陂

俱晉康都

南門陂 石旁陂 羅杓陂 沉首陂

俱思勞都

大陂 大蓬陂 大坑陂 狗逕口陂

俱思辦都

圍頭陂 大王陂 社尾陂 東石陂 西石坡

東安縣志

卷二

水利

卅三

德慶新新印務書局承印

俱都騎都

都澇陂 大陂 革坑陂 蒲沙陂 羅倫陂

俱楊柳都

芙蓉陂 老鴉陂 黃坭陂 大陂頭陂 雙利峒陂

正村峒陂 東光峒陂

俱芙蓉都

夾河橋陂

在洪文都

橋渡附

南山河橋距城南一里許

九龍橋

距城西南五里許康熙七年知縣韓允嘉倡修嘉慶十年知縣朱一慊率紳士梁桂等倡修

富祿橋距城十里乾隆五年知縣莊大中重建

夾河橋距城十里許萬歷十二年知縣陳公大建

新茅坡橋距城西南七十里

富霖橋距城南六十里

涼粉坳橋距城三十里

高橋距城三十里

三丫坑橋距城三十里許

南鄉所大通橋距城三十里康熙九年生員陳應熊等倡修

六都渡距城五十里

河頭渡距城一百二十里

黃村渡距城九十里新興交界河面濶八十餘丈向例上臺行部責令附近之民搭造浮橋爲

東安縣志

卷二

橋渡

卅四

德慶新新印務書局承印

費不資康熙元年

欽差大人及藩院將軍提鎮各兵馬西巡折海適洪潦暴發知縣呂鼐

僱船鎖成浮橋大兵經行若履平地事畢建議設置渡船一隻另設幫駕四隻僱夫撐駕無

事資民濟涉有事乘送兵馬往來

巡司河渡距城一百餘里康熙元年知縣呂鼐設置渡船一隻幫駕四隻

巡河船一隻康熙四十九年知縣張沆遵照批行一櫓六槳式樣捐設日久壞爛乾隆四年知

縣莊大中捐俸重造向募巡丁十名遊巡河道上至白沙下至奇槎汛掛號每月支工食銀

八兩米三石火藥銀八錢在役務支給后奉革役係官捐支雍正八年知縣陳洪範詳奉於

徵收地穀及歸官批佃魚苗爹埠六所租銀給發報銷乾隆元年奉文將爹埠歸民詳減巡

丁四名實存六名每月支銀四兩八錢米一石八斗火藥銀四錢八分地穀不敷係官捐納

六都餉渡

嘉慶元年四月羅永清承充開擺肇慶往六都渡船一隻認納佛山渡餉二兩二十一年五月

羅經綸接充認納

乾隆十七年李世華接擺六都橫水渡納餉銀一兩

腰古渡

嘉慶年間縣民陳茂猷與生員程必顯互控爭擺腰古墟上下河埠頭橫水渡隻嘉慶二十四年知縣袁光緒詳請設立餉渡因居民不便無人認充道光四年知縣汪兆柯詳明該處河道窄狹並非通衢要津腰古係鄉曲小墟亦無大商大賈所渡者不過兩岸耕種趁墟居民程姓向有捐設渡隻各村居民亦有自置農艇河下復有胥艇聽其互相任載自便並出示曉諭不許自霸攬載勒索等弊無庸設立餉渡以順輿情而免爭競蒙准如詳飭遵

東安縣志

卷二

橋渡

卅五

德慶新新印務書局承印

坊都志 內詳堡約

古者畫井居民廬舍相錯遠近相維百姓親睦其法善矣後世田不井授散處其鄉聯以坊堡亦猶然比伍之意也是故以表疆界道里均焉以資守望鈴柝鳴焉以嚴稽察奸宄消焉以宣德教齒讓敦焉所係詎不重哉若乎匹夫有善化及鄉人鳴珂通德其照耀閭里者耶志坊都而以墟市附焉

樂平坊

麟秀坊

龍盤坊

己以三坊俱在城內

都春一坊

都春二坊

長春坊

賓陽一坊

賓陽二坊

己上五坊俱在城外

晉康都距縣三十里

思勞都距縣四十里

思辦都距縣五十里

楊柳都距縣五十里

都騎都距縣五十里

芙蓉一都距縣五十里

芙蓉二都距縣五十里

東安縣志

卷二

坊都

卅六

德慶新新印務書局承印

己上七都俱德慶高要新興三州縣割附

洪文都距縣十五里

興賢都距縣四十里

新豐都距縣二里

永祿都距縣二里

陽明都距縣五十里

宣化都距縣五十里

遵儀都距縣五十里

平康都距縣七里

春熙都距縣三十里

己上九都俱知縣蕭元岡議設

洞心

坭城

下洞

上芙一

上芙二

下芙一

下芙二

思勞

思辦

都騎

楊柳

礎石

雲藍良

富祿

上富霖

中富霖

紅豆

三嶺

粗石

岑崗

石龍

王羌

料漆峒

寧坡

大寨

歌村

己上堡分

余村

永豐墟

山口

都有

朱麥坑

上下貢

橫岡

蔡村

洞表

橫山

東山

南路上下搖

老君埗

鐵場

阜寧

鵬石

朱峒	茶洞	楸陂獠	托留峒	冷水	河頭街
雲青	西路獠	竹枝峒	路	岔白梅	白石
上馬崗	奇民	太平	建村	歌村獠	北路獠
峒殿	六都 <small>以上甲分</small>				

已上保甲屬典史

叅洞	大水	小水	雙溶	那霖	合水 <small>上下四甲</small>
霧水獠	長沙	相思	雲容獠	雲廉獠 <small>并崎吟民甲</small>	

已上保甲屬西山司

鄉約所

雍正八年知縣陳洪範奉文設鄉約所一十四處俱於朔望宣講
 聖諭及律例各設約正一人值月三人以司講解

長春墟附城 南鄉所距城三十里 六都距城四十里

東安縣志

卷二

卅七

德慶新新印務書局承印

白石墟 <small>距城九十里</small>	河頭 <small>距城一百二十里</small>	連灘 <small>距城九十里</small>
都騎 <small>距城五十里</small>	楊柳 <small>距城六十里</small>	坨城 <small>距城二十里</small>
腰古 <small>距城八十里</small>	小河 <small>距城八十里</small>	礎石墟 <small>距城五十里</small>
富霖墟 <small>距城七十里</small>	西山九甲 <small>距城三百餘里</small>	

墟市附

長春墟在縣城東一里	永豐墟在縣城十里	腰古墟在墟蓉都
楊柳墟在楊柳都	都騎墟在楊柳都	白石墟在遵儀都
下洞墟在晉康都	竹墟在料洞堡	礎石墟在礎石堡
泮水墟在洪文都	迴龍墟在富霖城外	龍門墟在南鄉城外
金雞墟在新豐都抵羅定州界	新墟在陽明都九甲	大水墟在大水堡
伏洞墟在歌村堡	陂面墟在西山河口	雙溶墟在雙溶堡
廟龍墟在合水堡		

風俗志

古者遣史氏采詩陳之太師軒車四出以求方言觀民風重民俗也唐虞雍熙尙已成周化洽睢麟非其嗣響耶東邑風俗去古猶未太遠因勢利導隨時轉移不難登上理焉管子曰國奢示儉國儉示禮其師帥者之責也夫志風俗

士矜氣節任質樸貧或兼耕嗜古尙學不襲時趨故科目仕宦不甚顯間有一二奔競人咸訾之然絕無鼓衆劫持伺議時政者綽有古淳風焉

農邑民逐末者少力田者多山林隙壤日就墾闢但土田礪确近海無圍基西潦時浸故鮮豐饒語曰腴之斯瘠撫之斯腴爲民牧者可勿愼乎至若信巫事神雖狃於土俗亦節用之一耗也

工邑介萬山中技巧不聚工匠樸拙自食其力然所獲無幾世習者亦多別業矣

商粵東擅鹽鐵之利東邑山多產鐵向設爐座或煽或停鹽則歸總埠銷售二者皆非土著之民其餘菽粟布帛雞豚酒蔬之屬不過趁墟貿易以謀朝夕

冠男子十六以上而冠於合巹前卜吉延戚族之賢者行加冠禮告先祖申訓辭張樂設飲亦古者延賓醮子意也然惟士夫家行之庶民或畧女子將嫁而笄則責賤無異

東安縣志

卷二

風俗

卅八

德慶新新印務書局承印

婚締婚不論財只論門第相對通媒妁送庚譜用書啟初行定親禮次行聘禮兼約日期將嫁納牲醴於女家謂之過大禮女家將牲醴爲女告祖而笄之男亦以是日行冠禮婚禮日男家鼓樂前導迎女至家行合巹禮次晨夫婦廟見次拜翁姑拜族戚慶賀設筵飲畢競看新婦謂之鬧房壻與女隨拜岳家謂之回門

喪臨喪訃告親友塋門弔哭殯不出三日大殮小殮紳士家居亦舉行而戒葷歎粥寢苦枕塊無貧富一也設銘旌必請親友之貴者列銜題之素封之家則擇吉設供謂之開弔賓客來者以猪羊筵席躬行奠禮卜葬多在虞甸及窆乃題主然尙浮屠信堪輿雖賢哲亦濡染云祭因時舉行其大族各建宗祠置嘗田祭則子姓畢集頗得報本追遠之遺意焉惜也爭競不免

春正月元日陳酒果祀祖卑幼以次拜尊長戚里交相拜賀名曰拜年酒穀相邀名曰年酒立春先一日縣官率僚屬具鼓樂迎芒神土牛於東郊坊廂裝演雜劇以壯春色至日祀芒神鞭土牛民爭取其坵置豕笠謂畜豕大如牛云

上元日子子之家先於祠堂廟社張掛花燈親族以禮致賀延之宴飲各處笙歌鼓樂飾故事人物秉燭夜遊曰鬧元宵

二月二日土神誕各處慶賀兼祈五穀燒花爆飲社酒

清明日家皆插柳或戴少許挈榼郊遊曰踏青子孫上墳掛帛至四月初八日乃止
夏四月八日採百草木葉合米爲糝能療百病戚友過訪必令飽餐亦有彼此相餽遺者
五月五日天中節插蒲艾書硃符以五色縷繫小兒臂並製小囊裹菖蒲節及雄黃佩之又取
浸酒而飲丹荔角黍互相餽送

五月二十八日 城隍誕官民具牲醴詣廟致祭演劇慶祝

六月六日墨客出版藉紅女出鍼繡各曝於庭以祛蠹焉

秋七月七夕婦女陳瓜果以乞巧是日雞鳴汲水貯經年味不變渴熱人飲之立愈且可釀醋
中元前一日無論貧富皆剪楮衣陳牲醴祭先祖又或村社歛貲延僧禮懺曰盂蘭大會

八月十五日中秋節親友餽送月餅瓜果糖飴等物團聚飛觴至月影沉西乃罷兒童以瓦礫
壘塲實柴薪燒之劇觀爲樂

九月九日士人結伴登高飲菊花酒童子放風箏

冬十日田功告成村落中各設醮報賽另建一小棚高二丈許巫易女服歌舞其上名曰跳禾
樓散齋頒胙劇飲爲歡亦農家之樂也

冬至日以冬葉裹米作粽或作湯備牲醴祀祖先不相拜賀

臘月二十四日掃舍宇設果酒齋儀錫糖以祀竈

東安縣志

卷二

風俗

卅九

德慶新新印務書局承印

除日換桃符貼紅錢更新聯祭各神告歲週也是夕合家團飲燒爆竹燃蠟炬通宵不寐謂之
守歲

論曰邑自縣治初闢民集五方凡附藉而來家者俗尚各殊聲音亦別然大都男務耕女
務織登山而樵臨溪而漁悠然各得其性也我

國家涵濡百餘年守土之官承流宣化進椎魯而悟以文章家敦孝友人事詩書凡往來酬
酢以及語言服食之間莫不整齊畫一與省會無異卽盤瓠之裔亦卽束身歸化等於齊
民休哉何風之隆歟若夫輕生健訟邛愚不免而有血氣皆有心知則嚴誥誠省株連明
示以無益而陰令其自悔安必不可砥而爲良也哉是在長民者加之意焉而已

兵防志

帝王神武定天下制禮作樂終不以太平故偃武備用是修我予戟寄之爪牙東安自戡蕩
猺藪建置設官列戍編屯兢兢乎慮狼心難馴也至我

朝南服既定革除二所今軍卒歸農而叅將則改爲守備未幾裁道臣歸並於嶺西非弛備也
良以積玩之後籍隸虛糜故簡精汰冗得專守禦獨是東安視他郡縣稍異岡巒綿邈既有
依阻介於諸邑又便奔逋一夫挺起村民鼠竄使非有驍騎勁卒畀良將統馭旋起旋撲滅
之則兩葉不折將用斧柯矣故議防禦者在東安尤亟志兵防

營製

原萬歷五年設叅將一員分防東山統於兵備道四十四年裁叅將改設守備管兵五百四十
六名

國朝定鼎設守備一員把總二員目兵四百九十六名順治八年改東山守備爲遊擊添設中
軍守備一員千總一員康熙二年裁東山遊擊改東山守備爲城守守備十年裁東山守備
改經制千總爲城守千總移調把總一員止留一員二十三年奉文更定營制以東安歸羅

東安縣志

卷二

兵防

四十

德慶新新印務書局承印

定協左營守備一員督帶千總一員外委一員馬兵二十名步兵三十一名守兵一百九十
三名共官兵二百四十七名嘉慶七年八月內奉裁撥往吳川步兵四名守兵十四名添設
額外外委一員十六年六月內奉裁馬九匹改馬兵爲步兵二十三年十月內奉裁步兵一
名往閩西現在實存官兵二百二十八名

軍署

叅將府原設在南鄉富霖二所地方俱於萬歷六年建後改在縣治東正堂後堂各三間川堂
三間左右廂房各二間吏舍房 二間東西廊房各二間儀門大門各三間照牆一座十七
年知縣郭濂詳建順治十二年參將劉君榮重建康熙元年改爲守備府歲久傾圮乾隆五
年知縣莊大中守備陳宏舉會同估計詳請重建

千總署在縣治西前後三進大小十二間康熙二十七年千總陳貴建
教場在縣城東北枕伏犀山左旂山右鼓山中設演武臺萬歷十八年建前後二座各三間東
西房各一間照牆一座參將陳璘於兩旁植松十餘株日久傾毀雍正十三年副將項朝選
知縣王者棟署守備金式千總龍萬潮等重建

職俸

羅定協分防東安縣守備一員週歲額支俸銀一十八兩七錢另六釐薪銀四十八兩經費銀二十兩養廉銀二百兩坐馬四匹每月草料銀四分

城千總一員週歲額支俸銀一十四兩九錢六分四釐六毫薪銀三十三兩零三分五釐二毫養廉銀一百二十兩坐馬二匹每匹每月支草料銀四分

腰古汛外委一員無俸每月餉銀二兩週歲支養廉銀一十八兩坐馬一匹每月支草料銀四分

額外外委一員無俸月大支餉銀一兩九錢月小支餉銀一兩八錢三分三釐三毫三絲三忽撥馬一匹嘉慶七年內改馬兵一名爲額此外委

馬兵七名連馬草料兵餉每名月大支銀一兩九錢月小支銀一兩八錢三分三釐三毫三絲三忽

步兵三十五名每名月大支銀一兩五錢月小支銀一兩四錢

守兵一百八十二名每名月大支銀九錢七分月小支銀九錢三分六釐六毫六絲六忽

以上馬步守兵每名月大支餉米三大斗如係折穀支穀六斗月小支餉米二斗九升

雍正十一年奉文賞恤兵丁紅白銀兩每季赴鹽道請領無論馬步守一體給賞

紅事本身娶妻賞銀三兩二錢娶媳賞銀一兩六錢

東安縣志

卷二

兵防

四十一

德慶新新印務書局承印

白事遇父母喪事卹銀六兩四錢妻故卹銀一兩六錢本身故有室家卹銀四兩無室家卹銀二兩四錢

軍器

四百觔生鐵炮八位 行營炮四位 大封口鐵彈子一千二百個 窩鋒羣子六千

個 砂炮二門 鉛子二百個 弓箭五十八副 烏鎗一百一十四門 藤牌

二十九面 牌刀二十九口 腰刀一百八十五口 挑刀八張 官箭三百

二十枝 兵箭一千九百一十枝 火藥二千六百八十七觔十三兩

官堆 三雍正十年詳設

城南門 城西門 城小南門 城東路 城西路

縣前官堆 乾隆五年知縣莊大中捐設

水汎塘

思藥汎 南江口汎塘 古霧汎塘 六都汎塘 浚水口汎塘 楊柳塘

雲朋塘

陸汎塘

涌坑汎	腰古汎	黃沙汎	富霖汎	車溶汎	參洞汎	那霖汎
長沙汎	雲廉汎	東壩汎	都騎汎	永豐塘	附城頭塘	茅絲塘
楓木塘	茅坡塘	白石塘	礮石汎	糯糠汎	<small>礮石糯糠俱雍正九年添設</small>	
小河汎	猪仔坪汎	河頭汎	<small>三汎於雍正八年奉文歸河頭營管轄</small>			

槳船遊巡西江河道

六都汎船一隻 東字一號 雲鵬汎船一隻 東字二號

營田

道成涌一頃二十三畝三分五釐呂峒七十二畝七分八釐朱峒十二畝榭坐八畝富霖巖前
 二十畝鹿家涌十畝蓮塘八畝
 通共田二頃五十七畝一分三釐雍正八年守備魏子鳳詳歸本協通營公用

舊防

東安縣志

卷二

兵防

四十二

德慶新新印務書局承印

善後兵四營前營在尖底左營在冲天嶺右營在富祿後營在三嶺每營把總一員哨兵五名
 旗總十五名隊長並高招手四十六名散兵并雜役共四百八十五名歲支兵餉二萬二千
 七百八十五兩有奇後官兵裁撤各營俱廢

南鄉所城一座在縣城北三十里周圍三百一十四丈高一丈六尺厚一丈二尺萬歷六年建
 原設守禦所衙署輪調廣州前衛前所官四員署理旗軍二百四十七名駐防城南二里為
 教場有演武亭順治十七年裁奉今官衙已廢而所城現存 按所城原題設在南鄉後覆
 南鄉形勝風氣攸萃建縣尤善又題改黃姜而所名則仍其舊云

富霖所城一座在縣城西南八十里周圍二百四十九丈七尺五寸高一丈六尺三寸厚一丈
 二尺萬歷六年建原設守禦所衙署輪調廣州後衛中所官三員署理旗軍一百七十四名
 駐防城東二里為教場有演武亭順治十二年奉裁今官衙已廢而所城現存 按本城跨
 高崗除設叅將與千戶所署別無平坦基地軍旗盤旋曲磴不異巢居萬歷十六年知縣郭
 濂詳允遷城於止戈巖前

歌村堡城一座在縣城西五十里許周圍六十五丈三尺五寸高一丈三尺厚三尺更樓三間
 內公署三間茅屋一十七間今城堡已圯舊編民狼二堡其狼衆原從廣西調征羅旁事平
 安插於此授田耕守設有狼目一名約束

白梅堡城一座在縣城西四十里周圍六十五丈高一丈厚二尺四寸內公署三間茅屋四十四間今城堡已廢

靖寇

羅旁東西二山相距其中萬山層疊菁林重密而中多沃壤正統間諸獠盤踞爲巢穴四方亡命又從而羽翼之謂之浪賊四出寇掠州里幾墟萬歷四年總督都御史凌雲翼再疏題請大征旨下乃大調廣西目兵及各營土浙兵十萬有奇分十大哨選將監軍於是十路並進直搗其穴而咸劉之椎破諸峒五百六十有四俘斬四萬三千有奇拓地數百里建州析縣而羅旁平焉我

朝順治三年總督佟養甲提督李成棟帥師由閩入粵平郡縣有西山明季把總朱家臣偕哨官羅成基自肇回叛踞自稱都督行事轄州取餉不應登城鼓噪聞王師臨東安遂召募四山賊衆往破新任知縣邱嶠遇乘勢取南鄉所

國朝兵備道王芋飛檄取援兵家臣遁入灣洞西山參將商之盤統兵追獲家臣解軍門磔之總督委員楊士龍署縣事地方遂定未幾李成棟負平粵功驕恣不受裁抑誘殺總督佟養甲以叛境內騷然順治八年平南王尚可喜靖南王耿繼茂率師恢克郡縣復平

東安縣志

卷二

兵防

四十二

德慶新新印務書局承印

東山賊窠以高險莫若扶林鴨 雲浮魚跳胡峒大紺等山以深隘莫若白梅歌村伏峒石牛青水鐵場紅豆鳳凰等山據高之賊懼食不繼既散不敢復聚惟深匿者俟釁出沒仍復爲地方患若白梅之獠嘗東出笑頂楓木坪邀搶察院傳牌西則流刦上下石磯鉤截江船刦奪官印勒兵復征始漸斂寧然漏刃殘徒尙多竄伏原設兵一哨據守其地良有深意續因知縣陳公大議將前地諉之狼兵認守遂有水尾屠戮之慘後狼丁消乏日甚峒田畏賊不耕誠爲失策萬歷十八年羅定道陳文衡據知縣郭濂勸議移行參將孟宗文督今把總吳兆允王應冠於白梅水尾青水石凹各增設營堡撥兵防禦而縣西關路直度三嶺以達州城尤爲捷徑自是官民往來絡繹賊影銷除所謂收之桑榆非耶今歌村白梅伏峒等處各編保甲民狼相安無事惟上下西山寫遠深阻界連陽春往有土賊嘯聚順治十六年知縣呂勳甫任卽單騎親抵賊窠開誠諭撫招出賊首楊大澤謝沛等安插營伍餘黨歸農民賴樂業康熙三年陽春賊首蕭靖忠作亂羣黨流刦遁入西山城守守備歐陽起鳳奉檄堵剿招出巨魁劉栢載蕭莉英等餘孽悉平委有把總領兵駐防地方安堵但此山路深險民頗恃頑避役逋賦善後長策亦費經營此外則小河一帶界連高要雲嵐諸山危巘叢菁盜賊出沒康熙三年守備歐陽起鳳奉檄勦除奪獲器仗救出被擄男婦無算賊首潘龍勢蹙投招又擒戮巨賊羅仕熙仕周等解散羣黨邑境晏然總之山民獷悍憑陵地 險蠢動無常

莫斯土者可無深慮乎

屯隘

介石屯在城南路舊係陽江所軍人於此屯種其地後枕大石山山下有洞一線磴路直透巖巖高巔抵接鴨關雲浮凌涌富霖等山巢乃劇賊盤據之區後雖蕩平屯軍三百餘家仍窩藏汰兵浪賊避匿巖洞揚言彼係屯軍不服官司盤詰萬歷十八年知縣郭濂議詳羅定道陳文衡轉詳兩院將介石屯軍並寄住流民盡數編入保甲屯軍聽富霖所譏察商民聽本縣管束其應征屯糧照舊赴陽江所輸納事權歸一地方亂萌始遏雍正四年所奉裁屯歸陽江管理但相距遙遠雍正七年知縣喬振先詳請並歸東安未蒙允行道光二年東安縣知縣汪兆柯陽江縣知縣李廷芳會稟各憲經肇羅道出示勒石以水祿古柳第十界石四屯屯米歸陽江縣征收其一切詞訟考試命盜案件及編查保甲俱歸東安縣管轄永遠遵守

蒲竹逕在城西路自西北逕口延袤二十餘里始達東南逕口兩崖峻峭茂林蔽天中一水逕彳亍上下未大征前猺賊蟠據其中人迹斷絕大征後道路雖通葑鬱如故飛蜚伏虎時復螫人爲東山第一畏途萬歷十六年知縣郭濂呈詳羅定道陳文衡始行汛地官兵將逕旁林木砍伐各三四十丈相度山腰改闢道路間有溪澗大治橋梁餘諸山又修治道路七百

東安縣志

卷二

兵防

四十四

德慶新新印務書局承印

二十八里砍伐路旁林木八千二百七十五丈架過橋梁一百八十九處自是賊險盡奪風氣大開商民往來無患矣惟往州舊路一線鳥道陡絕崎嶇明季有原把總何應龍捐工改鑿自大絳嶺頂至茅絲嶺腳計二十五里坦平便行厥功亦堪紀云

九曲嶺又名章曲嶺在縣之東南距城九十里路通新興之崖樓山東北有赤黎山埔坑山雲貢山距城六十里通高要之雲嵐山又大尖山距城八十五里卽雲嵐山之一支也西南有莘蓬山白水嶺三扼嶺界連本州及西寧陽春有棠梨嶺銅窩鐵頂界連陽春信宜西寧有雲霧嶺雲容羊笪頂石馬山皆接陽春又雲廉猪鬃嶺雞頭嶺則距城三百餘里有猺甲散居雲霧山則距城一百二十里路通陽春新興連界之黃茅蕪白花頂是皆四境要害防禦者所宜知又如大河山扶鑿山橫逕嶺梯子嶺雲愁嶺止戈巖等山俱樹林菁蒨寇藏奸未可以承平而忘其險也

邑環治皆山 向有警息不及發兵追救順治十六年知縣呂蘊酌度形勢分爲四路東至下峒西至茅坡南至上下貢北至涼粉坳嚴行保中附城廂長各堡鄉長俱擇公正充當督率勇壯守望相助設立循環警籌輪流交遞以傳聲息守禦有備奸宄潛消

東安縣志卷二終